



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 50. Diversæ Sacrarum Congregationum Romanarum decisiones ac decreta.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. actum recens editum omnino nullum
 A. C. 1717. esse declaravit, præfatisque Vasallis
 injunxit, ne Sabaudia Ducem in su-
 premum Dominum recognoscant, aut
 ei ullum subjectionis actum vel contri-
 butionem præstent, Ministri vero ad
 dicendam causam Romæ compareant,
 quibus tamen non parentibus omnia
 ab eis acta fuere declarata tanquam
 irrita, & ipsi publice excommunicati.
 Denique cum serenissimus Regni Regens
 hæc verba *sine necessitate* suæ quidem de-
 clarationi primum addita falsus fuisset,
 id tamen minime *se inscio* sed post ma-
 turam deliberationem ejus jussu hanc
 mutationem factam esse publicis literis
 die decima septima Augusti testaretur,
 rectamque suam intentionem manife-
 stasset, Pontifex hunc articulum in suis
 literis die septima Decembris ad Re-
 gentem datis minime tangere statuit.

§. L.

*Diversæ sacrarum Congregationum
 decisiones ac decreta.*

*Bull. Clem.
 XI. Part. 3.
 Const. 27.*

His adjungimus etiam quasdam sa-
 crarum Congregationum Romanarum
 decisiones, & quidem S. Rituum
 Congregatio die duodecima Januarii
 annuente summo Pontifice concessit,
 ut deinceps in memoriam insignis li-
 beratio-

berationis Civitatis & Insulæ Corcy Sæc. XVIII.
 rensis a Turcarum obsidione, recitari A. C. 1717.
 possit die decima quarta Decembris sub
 ritu semiduplici officium S. Spiritus
 cum lectionibus secundi Nocturni pro-
 priis ab omnibus conditionis Venetæ Chri-
 stifidelibus utriusque sexus: Constru-
 xerant Neapoli quidam Ecclesiastici sca-
 lam sanctam, & Indulgentias ascenden-
 tibus & descendantibus esse annexas,
 ex communicatione privilegiorum, aliis-
 que conjecturis & argumentis decla-
 rare nitentur: moto autem desuper
 dubio, an sit permittenda ejusmodi
 scala & an pro omnibus illam frequen-
 tantibus adsit Indulgentia? S. Concilii
 Congregatio respondit negative, nisi
 ad hunc effectum exhibeatur clarum
 & literale Pontificis indultum, quale
 PP. Theatini Salisburgi 1713. 25. Sept.
 & Monachii ab Innocentio XI. & Ca-
 nonici Regulares S. Augustini Pragæ a
 Clemente XI. 1712. die vigesima quinta
 Januarii obtinuerunt; ubi ergo ejus-
 modi Indultum exhiberi non potest,
 lapis cum inscriptione seu denuntia-
 tione talis Indulgentiæ amoveatur.
 Jam sæpius diversorum Ordinum Mo-
 niales sacræ Rituum Congregationi sup-
 plicabant, ut earum Confessarius & Ca-
 pellani valeant celebrare Missas Sancto-
 rum, de quibus præfatæ Moniales Of-
 ficium

Sæc. XVIII. ficium ea die recitant: id ergo an-
 A. C. 1717. nuente Clemente XI. die prima De-
 cembris generali decreto concessum,
 ita tamen, ut non Missas proprias, sed
 in Missali Romano de Communi assi-
 gnatas dicant.

Jam ab antiquissimo tempore Mo-
 doetiæ in Ecclesia Collegiata S. Joan-
 nis Baptistæ asservabatur Corona fer-
 rea, quam uno ex clavis Domini Nostri
 Jesu Christi in laminam seu *circulum*
 compactam fuisse, traditio ferebat, hu-
 jus tamen cultum Anno 1687. Tanch-
 redinus Visitator suspendit, donec Me-
 diolanensis Archiepiscopus aliter de-
 creverit, hoc vero ad Sedem Apo-
 stolicam recurrendum esse declarante,
 Modoetienses siluerunt: hoc autem an-
 no Cardinalis Ptolomæus hæc dubia
 a S. Congregationis Consultoribus de-
 cidenda proposuit, & quidem I. An
 Capitulum hanc Coronam cum aliis re-
 liquiis retinere valeat, & responsum
 affirmando. II. Utrum etiam possit
 eam publicæ venerationi in Altari ma-
 jore exponere, & processionaliter cir-
 cumferre, & S. Congregatio Rituum
 die septima Augusti respondit negando.